



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCLXXXI. ad annum MCCCXIV.

Parisiis, 1644

Concilivm Mediolanense In Causa Disciplinae Ecclesiasticae habitum, anno
Domini MCCLXXXVII.

urn:nbn:de:hbz:466:1-15974

ANNO
CHRISTI
1187.

CONCILIVM MEDIOLANENSE
IN CAUSA DISCIPLINÆ ECCLESIASTICÆ
habitum, anno Domini MCCLXXXVII.

NOTA.

* *Concilium.*] Constitutiones synodales hoc Concilio promulgatas summam recenset Bzouius in annalibus his verbis: *Mediolani porro eodem anno auctoritate summi pontificis, Otto archiepiscopus indicta conuocataque Synodo prouinciali in ecclesia sancte Teclæ, presentibus quamplurimis episcopis, abbatibus & reliquis ex clero, ad duodecimum diem Septembris multa saluberrima constituit.*

I.

In primis, constitutiones summorum pontificum, & Friderici olim imperatoris contra hereticos laticas, inuolabiliter obseruari, & ex earum prescripto contra fidei catholice preuaricatores procedi mandauit.

II.

Abbatibus, monachos & reliquos omnes religiosos, ut ex formula sancti Benedicti, & sancti Augustini uiuerent, admonuit.

III.

Ne moniales, quouis pretextu, septa monasteriorum, in quibus reclusa, egredierentur, edixit.

IV.

Aucupium & venationem uniuerso clero, lata excommunicationis sententia, interdixit.

V.

Alienandi bona quaecumque siue mobilia siue immobilia ecclesiastici iuris fuerint, potestatem omnibus abstulit, neque quis aut vendere, aut oppignorare, aut titulo donationis ea alicui concedere auderet, sub anathematis & nullitatis censura prohibuit.

VI.

In detentores ecclesiasticorum bonorum grauissimas penas promulgauit.

VII.

Falsi crimine obnoxios a communione sacramentorum atque fidelium segregauit.

VIII.

Legatorum piorum fraudatores ceteru Christianorum indignos esse iudicauit.

IX.

Potestatem edificandi ecclesias, aut oratoria, penes solos episcopos esse iussit.

X.

Rerum sacrarum ex testamento vel codicillis relictam administrationem penes solos parochos esse uoluit, aliaque pro ecclesiastica disciplina ex more prisco, siue reuocanda, siue obseruanda, in eodem Concilio sanctissime ordinauit.